

四庫全書

經部

欽定四庫全書

經部
詩傳通釋卷十九

詳校官監察御史_臣盛嘉祐

通政使司副使_臣莫瞻某覆勘

總校官編修_臣王燕緒

校對官編修_臣孫希旦

謄錄監生_臣劉亮采

欽定四庫全書

詩傳通釋卷十九

元 劉瑾 撰

詩

朱子集傳

頌四

頌者宗廟之樂歌大序所謂美盛德之形容以其成功告于神明者也蓋頌與容古字通用故序以

此言之

孔氏曰頌之言容歌成功之容狀也

周頌三十一篇多周公

所定而亦或有康王以後之詩

周公相武王成王天下既平作為樂

章薦之郊廟所謂周頌也然其篇第之先後則不可究矣又其間多闕文疑義焉愚按康王以後之詩昊天有成命及魯頌四篇商頌五篇因亦以類執競噫嘻是也

附焉

孔氏曰雅不言周頌言周者以別商魯三頌之名雖同而其體制各別也胡庭芳曰補傳

云商周二頌皆以告神而魯頌用以頌禱後世文人獻頌特效魯耳陳君舉白別以尊卑之禮故魯頌以諸侯而後於周間以親疎凡五卷愚按雅頌之義故商頌以先代而後於魯無諸國別元以十篇為一卷故此分周頌三什為四之一四之二四之三魯頌四篇為四之四商頌五篇為四

之五通
為五卷

周頌清廟之什四之一

於音烏

穆清廟肅雝顯相

息亮反

濟濟

子禮反

多士秉文之德

對越在天駿奔走在廟不顯不承無射

音亦與

於人斯

賦也於歎辭穆深遠也清靜也

釋文曰肅然清靜之稱李迂仲曰事

神之道尚潔故曰清廟鄭氏曰廟之言貌也死者不可得見故立宮室象貌之耳

肅敬雝和

顯明相助也謂助祭之公卿諸侯也

呂東萊曰士虞禮祝詞曰孝子

某顯相夙興然則主人之外餘皆顯相也嚴氏曰稱助祭之也周公及助祭之諸侯皆顯相也嚴氏曰稱助祭之

人曰顯相者謂其有濟濟衆也多士與預祭執事之顯著之德美稱之也

人也越於也駿大而疾也

孔氏曰疾奔走言勸事也

承尊奉也斯

語辭 此周公既成洛邑而朝諸侯因率之以祀文

王之樂歌

曹氏曰洛誥周公告王曰王肇稱殷禮祀于新邑予齊百工俾從王于周則是成王

就新邑祀文武周公率諸侯以從之耳明堂位所謂

周公朝諸侯踐天子位者皆漢儒之妄也呂東萊曰

朝諸侯者特相成王以朝諸侯而已周公非自居南

面而受諸侯之朝率以祀文王者洛誥所謂王在新

邑烝祭言於穆哉此清靜之廟其助祭之公侯皆敬

且和

呂東萊曰言顯相之肅難則成王穆然奉祭之氣象不言可見矣

而其執事之

人又無不執行文王之德既對越其在天之神而又

駿奔走其在廟之主

王介甫曰肅雍秉德故能對越文王奔走在廟以承清廟之事

也嚴氏曰對答在天之靈謂如見文王洋洋在上也疾奔走於在廟之事謂敏於趨事也如此則

是文王之德豈不顯乎豈不承乎信乎其無有厭斁

於人也

王介甫曰於是文王之德可謂顯矣成王率諸侯多士駿奔走在廟則可謂承矣顯也承

也如此無射于人矣胡庭芳曰此詩唯一句說廟後皆從與祭者身上說詩雖未嘗明頌文王之德自有隱然見于言意之表者何則文王往矣今助祭之公侯執事之人所對越奔走而敬恭嚴事者無厭斁乃如此于此可以見盛德至善淪肌浹髓沒世自有不能忘者矣輔氏曰文王之德不可明言凡一時在位

之人所以能敬且和與執行文王之德者即文王威德之所在也必于其不可容言之中而見其不可掩之實則詩人之意得矣讀此詩想當時聞其歌者真若洋洋乎如在其上如在其左右又何待多著言語委曲形容而後足以見之哉

清廟一章八句

書稱王在新邑烝祭歲文王騂牛一武王騂牛

一實周公攝政之七年而此其升歌之辭也

洛誥

又曰王賓殺禋咸格王入大室裸蔡九峯曰王在洛舉烝祭之禮曰歲云者歲舉之祭也王賓猶虞賓助祭諸侯也諸侯以王殺牲禋祭祖廟故咸至也大室清廟中央室也呂東萊曰按洛

詰云在十有二月惟周公誕保文武受命惟七年則是周公成洛邑而作此詩在于七年也愚按書言烝祭文武而此樂歌止頌文王之德者父子並祭統於尊也

書大傳曰

周公升歌清廟苟在廟中嘗見文王者愀然如

復見文王焉

孔氏日記每云升歌清廟然則祭宗廟之盛歌文王之德莫重於清

廟故為周頌之首陳壽翁曰雖雖肅肅乃文王盛德輝光形於外者今助祭者有肅肅之德執事者秉文王之德足以配對文王則是文王盛德之容宛然如在目中矣嘗見文王者愀然如復見文王斯樂記曰清廟之瑟朱弦而疏越壹言殆非虛也

倡而三嘆有遺音者矣鄭氏曰朱弦練朱弦練

則聲濁越瑟底孔也疏之使聲遲也倡發歌句

也三數三人從數之耳

孔氏曰一倡謂一人始倡歌三嘆謂三人讚嘆

也樂歌文王之道不極音聲故但以熟弦廣孔少倡寡和此音有德傳於無窮是有餘音不已

也一倡三數者一人倡之三人之和如今人換歌之類漢因秦樂乾豆

上奏登歌

通典注曰乾豆脯羞之類

獨上歌不以筦絃亂人

聲欲在位者徧聞之猶古清廟之歌也

愚按堂上之樂

以人聲為貴故舜之韶樂鳴球琴瑟以詠清廟之瑟朱弦而疏越秦漢之薦乾豆亦唯堂上獨奏登歌之曲謂之登歌者豈以堂上特歌而名之也歟

序祀文王也周公既成洛邑朝諸侯率以祀文王焉

維天之命於

音

穆不已於

同乎

音呼

不顯文王之德之純

賦也天命即天道也

程子曰言天之自然者曰天道言天之賦予萬物者曰天命

不已言無窮也純不雜也此亦祭文王之詩言天

道無窮而文王之德純一不雜與天無間以贊文王之德之盛也子思子曰維天之命於穆不已蓋曰天之所以為天也於乎不顯文王之德之純蓋曰文王

之所以為文也純亦不已

嚴氏曰凡言聖人如天者以此擬彼天與聖人猶為

二也此詩但言以天命之不已與文德之純對立而並言之蓋有不容擬議者子思又發明之如此其肯

深矣程子曰天道不已文王純於天道亦不已純則無

二無雜不已則無間斷先後

真氏曰純是至誠無一毫人偽惟其純誠無雜

自然能不已如天之春而夏夏而秋秋而冬晝而夜而晝循環運轉一息不停以其誠也聖人之自壯而老自始而終無一息之懈亦以其誠也既誠自然能不已

假

春秋傳作何

以溢

春秋傳作恤

我我其收之駿惠我文王曾孫

篤之

何之為假聲之轉也恤之為溢字之訛也又受駿大

惠順也曾孫後王也

鄭氏曰自孫之下皆稱曾孫愚按後王主祭者皆得稱曾孫

篤厚也

呂東萊曰毛氏謂能厚行之然詩人之意本勉後人篤厚之而不忘所謂行者固亦在其

中

言文王之神將何以恤我乎有則我當受之以

大順文王之道後王又當篤厚之而不忘也

嚴氏曰我既以

大惠文王自勉繼自今為子孫者當世世篤厚之勿忘也去聖沒遠典刑易隆非用意篤厚不能守也

維天之命一章八句

嚴氏曰頌者成功告神必言子孫勉力保守以慰祖考之

意故此詩曰曾孫篤之天作曰子孫保之輔氏曰上四句言文王之德與天為一也後四句言已與

後王皆當法文王不已之德也何以恤我不敢自必之辭也我其收之幸之之辭也駿惠我文王自期之辭也曾孫篤之又望于後人之辭也陳壽翁曰此詩言文王純一之德上配天道之無窮下被及子孫子無窮子孫當惠順之而不逆篤厚之而不忘也

序太平告文王也

詩中未見告太平之意

維清緝熙文王之典肇禋

音迄

許乞反

用有成維周之禎

賦也清清明也緝續熙明肇始禋祀迄至也此亦

祭文王之詩言所當清明而緝熙者文王之典也故

自始祀至今有成實維周之禎祥也

嚴氏曰清則潔靜而不雜緝則

悠久而不已熙則廣大而光明而以典言之者謂其德寓於法也文王有典以貽後人王業雖未成而自始祀至其後而有成焉是文王之典為周之禎祥也祥者吉之先見也曹氏曰然則文王之法實啓有周之祥然此詩疑有闕文焉
輔氏曰典謂法度典章所謂祀典蓋亦在其中故下文便說肇禋周之祀典自文王始之至周公而成之文王之典實維周之禎祥者可知矣不以符瑞為祥而以典法為禎蓋有是典法然後有是盛效此其為禎祥也大矣

維清一章五句

序奏象舞也

詩中未見奏象舞之意

烈文辟

音壁下同

公錫茲祉福惠我無疆子孫保之

賦也烈光也辟公諸侯也

王晦叔曰為國君故稱辟舉五等之貴故稱公

此祭於宗廟而獻助祭諸侯之樂歌

輔氏曰烈武也文也辟公猶

言君公也祭畢則飲福受胙故於具獻助祭諸侯而歌此

言諸侯助祭使我獲福

則是諸侯錫此祉福而惠我以無疆使我子孫保之

也

嚴氏曰助祭諸侯錫我以此福矣豈徒目前淺近計哉蓋惠我周家以無疆之休使我子孫世世永

保之也

無封靡于爾邦維王其崇之念茲戎功繼序其皇之

封靡之義未詳或曰封專利以自封殖也靡汰侈也

崇尊尚也戎大皇大也言汝能無封靡于汝邦則

王當尊汝

王介甫曰戒其無封以專利無靡以傷財則為王之所崇也

又念汝有

此助祭錫福之大功則使汝之子孫繼序而益大之也

無競維人四方其訓之不顯維德百辟其刑之於音乎

呼音前王不忘

又言莫強於人莫顯於德先王之德所以人不能忘

者用此道也此戒飭而勸勉之也

黃實夫曰此成王感發諸侯不盡之

意愚按上文四句戒飭之也此五句勸勉之也

中庸引不顯惟德百辟其刑

之而曰故君子篤恭而天下平

不顯猶言豈不顯也此借引以為幽深玄

遠之意言天子有不顯之德而諸侯法之則其德愈深而效愈遠矣篤厚也篤恭言不顯其敬也篤恭而

天下平乃聖人至德淵微自然之應也問不顯維德按詩中例言豈不顯也今借引此詩真作不顯說

如何曰是箇幽深玄遠意是不顯中之顯大學引於乎前王不忘而曰君

子賢其賢而親其親小人樂其樂而利其利此以沒

世不忘也

於戲嘆詞前王謂文武也君子謂後賢後王小人謂後民也此言前王所以新民者

止于至善能使天下後世無一物不得其所以既
沒世而人思慕之愈久而不忘也又曰賢其賢者
聞而知之仰其德業之盛也親其親者子孫保之思
其覆育之恩也樂其樂者含哺鼓腹而安其樂也利
其利者耕田鑿井而享其利也此皆先王盛德至喜
之餘澤故雖已沒世而人猶思之愈久而不能忘也

烈文一章十三句

此篇以公疆兩韻相叶未審當從何讀意亦可

互用也

愚按第一句與第六第七句相叶第三句與第五第八十三句相叶亦隔互

叶韻也

序成王即政諸侯助祭也

詩中未見即政之意

天作高山大

音泰

王荒之彼作矣文王康之彼徂矣岐

沈括

曰後漢書西南夷傳作彼岨者岐今按彼書岨但作徂而引韓詩薛君章句亦但訓為徂獨矣字正作者如沈氏說然其注未復云岐雖阻僻則似又有岨意韓子亦云彼岐有岨疑或別有所据故今從之而定讀岐字絕句有夷之行

叶戶郎反

子孫保之

賦也高山謂岐山也荒治

王介甫曰治荒謂之荒

康安也岨險

僻之意也夷平行路也此祭大王之詩言天作岐

山而大王始治之大王既作而文王又安之於是彼

險僻之岐山人歸者衆而有平易之道路子孫當世

世保守而不失也

嚴氏曰作者造立之言也遷岐非

人所能為故言此岐山天寶為之也黃寶夫曰遷岐之役曰帝省其山曰帝遷明德曰帝作邦作對又曰天作似以岐可興周而天故使大王之遷岐也然其一篇則在於大王之荒文王之康子孫之保而不獨歸之于天也
殷氏曰劉氏云其始作之固自乎天其終保之亦繫乎人嚴氏曰大王文王之業子孫當保守而不墜也成功告神明之頌多言子孫當保守之意蓋子孫能保守則可以慰祖宗之心矣
顧氏曰高山大川皆天造地設也大禹但能奠之耳故曰天作治荒謂之荒猶治亂謂之亂也大王治荒之而亦曰彼作矣者推大王與天同功也祖先所以經理其始許安其後者既已甚艱勤矣則子孫固宜世世保

之而不失也

天作一章八句

序祀先王先公也

胡庭芳曰詩只稱大王文王則祀不及先公明也若祭其

人不頌其德可乎然朱子定以為祭大王詩不及文王者豈以詩不言王季也若并祭王季頌其子不頌其父乃預祭其間亦非所安也故只以為祭大王詩也

昊天有成命二后受之成王不敢康夙夜基命宥密於
烏緝熙單厥心肆其靖之

賦也二后文武也成王名誦武王之子也

愚按朱子於下武詩

成王二字則辨先儒之誤而謂非王誦之諡於此詩成王字則正先儒之誤而以為諡名固各有當也

基積累于下以承藉乎上也宥宏深也密靜密也於

嘆詞靖安也此詩多道成王之德疑祀成王之詩

也言天祚周以天下既有定命而文武受之矣成王

繼之又能不敢康寧而其夙夜積德以承藉天命者

又宏深而靜密是能繼續光明文武之業而盡其心

故又能安靖天下而保其所受之命也

輔氏曰不敢康戒謹恐懼

也不宏則體不盡不深則見不徹不靜則不能到沖漠無朕處不密則不能到萬象森具處宏深陽之德

也靜密陰之德也合是二德則能承藉乎天之命我
者也夙夜無間斷也能夙夜基命宥密則能繼續光
明文武之業而盡其心才有間斷則文武之業便有
蔽昧處而已之心亦不能盡矣天命也文武之業也
己之心也天下之安也皆是一統底事黃氏曰文武
受天命興王業者如此則成王所以基而承之繼而
廣之者亦惟盡此心而已蓋文武以上天之心為心
後王以文武之心為心無愧於文武之心而後能安
文武之天下無負於天國語叔向引此詩而言曰是
命而後無愧于文武也道成王之德也成王能明文昭定武烈者也以此證
之則其為祀成王之詩無疑矣

昊天有成命一章七句

此康王以後之詩

陳安卿問康王何緣無詩曰昊天有成命之類便是康王

詩而今却要解那成王做成王業費盡氣力要從王業上說去不知怎生地

序郊祀天地也

此詩詳考經文而以國語證之其為康王以後祀成王之詩無疑而毛鄭舊說定以頌為成王之時周公所作故凡頌中有成王及成康字者例皆曲為之說以附己意其迂滯僻澀不成文理甚不難見而古今諸儒無有覺

其謬者獨歐陽公著時世論以斥之其辨明
矣然讀者狃於舊聞亦未遽肯深信也

歐陽子曰

此詩言二后者文武也則成王者成王也當
為康王以後之詩而毛鄭以頌皆是成王之
作遂以成王為成此王功執競曰不顯成康
自彼成康所謂成康者成王康王也猶文王
武王謂之文武云耳然則執競當是昭王以
後之詩而毛以為成大功而安之鄭以為成
安祖考之道皆以為武王也噫嘻曰噫嘻成
王者亦成王也而毛鄭皆以為武王由其以
頌皆為成王時作耳以為成王康王豈不簡
且直而于詩文理易通如毛鄭之說豈不迂
而曲文理亦不完而難通學者小序又以此
何苦從其迂曲而難通者哉

詩篇首有昊天二字遂定以為郊祀天地之
詩諸儒往往亦襲其誤殊不知其首言天命
者止於一句次言文武受之者亦止一句至
於成王以下然後詳說不敢康寧緝熙安靜
之意乃至五句而後已則其不為祀天地而
為祀成王無可疑者又況古昔聖人制為祭
祀之禮必以象類故祀天於南祭地於北而
其壇壝樂舞器幣之屬亦各不同若曰合祭

天地於圜丘則古者未嘗有此瀆亂厖雜之
禮若曰一詩而兩用如所謂冬薦魚春獻鮪
者則此詩專言天而不及地若於澤中方丘
奏之則於義何所取乎序說之云反覆推之
皆有不通其謬無可疑者故今特上據國語
旁采歐陽以定其說庶幾有以不失此詩之
本指耳或曰國語所謂始於德讓中於信寬
終於固餼和故曰成者其語成字不為王誦

之謚而韋昭之注大略亦如毛鄭之說矣此
又何耶曰叔向蓋言成王之所以為成以是
三者正猶子思所謂文王之所以為文班固
所謂尊號曰昭不亦宜乎者耳韋昭何以知
其必謂文武以是成其王道而不為王誦之
謚乎蓋其為說本出毛鄭而不悟其非也今
欲一條千古之謬而不免於以誤而證誤則
亦將何時而已耶

詩中說成王不敢康成王
只是成王何須牽合作成

王業之王自小序恁地傳會便謂周公作此以告成功便將成王字穿鑿說了又幾曾是郊祀天地後來遂生一場多端有南北郊之事此詩自說昊天有成命又不曾說地如何說祭天地之詩設使合祭亦須幾句說著或后土如漢諸郊祀詩祭其神便說其事矣

者又曰蘇氏最為不信小序而於此詩無異詞且又以為周公制作已定後王不容復有改易成王非創業之主不應得以基命稱之

此又何耶

蘇氏曰此詩有成王不敢康而執競有不顯成康世或以為此言成

王誦康王釗也然則周頌有康王子孫之詩也周公制禮禮之所及樂必從之樂之所及

詩必從之故頌之施于禮樂者備矣後世無
容易之且詩曰成王不敢康夙夜基命宥密
又曰自彼成康奄有四方成王非基命曰蘇
之君而周之奄有四方非自成康始也

氏之不信小序固未嘗見其不可信之實也

愚於漢廣之篇已嘗論之不足援以為據也

夫周公制作亦及其當時之事而止耳若乃

後王之廟所奏之樂自當隨時附益若商之

玄鳥作於武丁孫子之世漢之廟樂亦隨世

而更定焉

通典曰漢高廟奏武德舞孝景采
武德舞以為昭德以尊大宗廟孝

宣采昭德舞為盛德以尊世宗廟諸帝廟皆奏文始四時五行之舞四時舞者孝文所作也

豈有周之後王乃獨不得褒顯其先王之功

德而必以改周公為嫌耶基者非必造之於

始亦承之於下之謂也

漢氏曰文公采歐陽時世論以斥序之非

而獨表章國語斷其無可疑今觀基命之語與洛誥所謂王如弗敢及天基命定命之意合其為頌成王審矣何必委曲謂文武成此王業乎如曰邦家之基豈

必謂大王王季之臣乎以是為說亦不得而

通矣況其所以為此實未能忘北郊集議之

餘忿今固不得而取也

我將我享維羊維牛維天其右之

叶音由

賦也將奉享獻右尊也神坐東向在饌之右所以尊

之也

問所解右字與舊說不同曰周禮有享右祭祀之文如詩中此例亦多如既右烈考亦右文母

之類如我將所云作保佑更難方說維羊維牛如何便說保佑到伊嘏文王既右享之也說未得佑助之佑愚按右人以右為尊如云位在右尤出其右故右有尊義

此宗祀文王於明

堂以配上帝之樂歌言奉其牛羊以享上帝而曰天

庶其降而在此牛羊之右乎蓋不敢必也

呂東萊曰明堂祀上

帝而文王配焉故先言祀天而次言祀文王此段言祀天也後段言祀文王也愚按天比文王為尊以尊事之故不敢必天之享而以其字言之

儀式刑文王之典日靖四方伊嘏

古雅反

文王既右享

虛叶

良之反

儀式刑皆法也

嚴氏曰累言之者謂法之不己也劉辰翁曰諄復言之以見取法之甚也

輔氏曰儀以為儀也式以為式也刑以為法也言此三字以是凡所云為動作不敢忘也 嘏錫

福也

孔氏曰特牲少牢皆載祝以神詞嘏主人與之以福

言我儀式刑文王之

典以靖天下則此能錫福之文王既降而在此之右

以享我祭若有以見其必然矣

愚按文王比天帝為親以親望之故知文

王之必享我祭
而以既字言之

我其夙夜畏天之威于時保之

又言天與文王既皆右享我矣則我其敢不夙夜畏

天之威以保天與文王所以降鑒之意乎

李迂仲曰雖曰享吾

之祭亦豈可自滿哉故當夙
興夜寐疊疊惓惓畏天之威

我將一章十句

程子曰萬物本乎天人本乎祖故冬至祭天而

以祖配之冬至氣之始也萬物成形於帝而入
成形於父故季秋享帝而以父配之以季秋成
物之時也陳氏曰古者祭天於圜丘掃地而行
事器用陶匏牲用犢其禮極簡聖人之意以為
未足以盡其意之委曲故於季秋之月有大事

之禮焉

濮氏曰文王之祀既不敢同后稷於郊
又無屈天神于宗廟之理故特尊其祀

於明堂也斯
其為曲盡矣

天即帝也郊而曰天所以尊之也

故以后稷配焉后稷遠矣配稷於郊亦以尊稷

也明堂而曰帝所以親之也以文王配焉文王

親也配文王於明堂亦以親文王也

問帝即是天天即是

帝却分祭何也曰為壇而祭故謂之天祭於屋下而以神祇祭之故謂之帝又曰后稷生於

姜嫄以上更推不去故配天須以稷然上帝即

天也聚天之神而言之則曰上帝此武王祀文

王推父以配上帝者配帝須以父也曹氏曰以

天道事之則藁秸以為席陶匏以為器繭栗之

牲掃地而祭所以尊之也以帝道事之則牛羊

以為牲簠簋以為器鼎俎之實其薦用熟所以

親之尊尊而親親周道備矣然則郊者古禮而

明堂者周制也周公以義起之也

問祀文王於明堂周公以

義起之非古禮也不知周公以後將以文王配
耶以時王之父配耶曰諸儒正持此二義至今不
決且周公制禮不知在武王之時成王之時若
在成王時則文王乃其祖也又問繼周者當何
如曰只得以前有功者配之又曰昔者周公宗
祀文王於明堂乃不言武王者以禮樂出於周
公制作故以作禮樂者言之若是成王祭上帝
則須配以武王若宣王祭帝則亦以厲王也

東萊呂氏曰於天維庶其饗之不敢加一詞焉

於文王則言儀式其典曰靖四方天不待贊法

文王所以法天也率章惟言畏天之威而不及

文王者統於尊也畏天所以畏文王也天與文

王一也

序祀文王於明堂也

時邁其邦昊天其子之

賦也邁行也邦諸侯之國也周制十有二年王巡守

殷國柴望祭告諸侯畢朝

周禮大行人曰十有二歲王巡守殷國書周官曰六

年五服一朝又六年王乃時巡諸侯各朝于方岳祭九峯曰柴燔柴以祀天也望望秩以祀山川也五岳

四瀆之屬望而祭之故曰望明庭旁曰望祭各設于巡守之方其位茅以辨之而植表於中周禮所謂

旁招以茅晉語所謂置茅龜設表望是也

此巡守而朝會祭告之樂歌

也

孔氏曰武王巡狩至于方岳乃作告至之樂歌也愚按此雖武王初定天下而巡守所作之歌其後

王之巡守者因而皆用之歟

言我之巡守諸侯也天其子我乎哉

蓋不敢必也

徐氏曰子者親而愛之也嚴氏曰有天下曰天子子之謂使其王也愚按所謂

不敢必者亦以其字言之蓋初為疑辭也下又言允王維后允王保之者則終之以決辭也然此二句總言巡守之事以發端也

實右序有周薄言震之莫不震疊懷柔百神及河喬嶽
允王維后

右尊序次

曹氏曰序者帝王之傳序也錢氏曰謂以周繼夏商也

震動疊懼懷

來柔安允信也 既而曰天實右序有周矣是以使

我薄言震之而四方諸侯莫不震懼又能懷柔百神

曹氏曰祭法云有天下者祭百神故巡守所至百神皆祭焉 以至于河之深廣嶽

之崇高而莫不感格則是信乎周王之為天下君矣

嚴氏曰天實右序有周矣武王之巡守也于諸侯薄
警動之而莫不震懼又所至方岳之下懷百神祀河
岳其人神之受職非人所能為也天實右序之也故
天下莫不信武王之宜君天下也李迂仲曰以諸侯
則莫不威畏以百神則莫不懷柔人神各得其所信
乎王能盡為君之道也愚按此一節言巡守而祭告
百神之事也

明昭有周式序在位載戢

側立反

干戈載橐古力反弓矢我

求懿德肆于時夏

戶雅反

允王保之

戢聚橐韜

孔氏曰橐弓衣一名韜故納弓於衣謂韜弓

肆陳也夏中國也

又言明昭乎我周也既以慶讓黜陟之典式序在

位之諸侯

李迂仲曰孟子載巡守之事入其疆而慶讓行王制言不順不敬有黜地削爵之罰

有功德于民者有加地進律之賞凡此皆所以按諸侯之功罪而升黜之所謂式序在位也

又收

斂其干戈弓矢而並求懿美之德以布陳于中國則

信乎王之能保天命也

李迂仲曰武王取天下矣必求文德以施中國則可以保

天下也嚴氏曰天實明昭有周矣武王之巡守也以
慶罰之典序諸侯之在位者又斂其干戈韜其弓矢
惟求美德陳于中國其治道之彰著亦非人所能為
也天實明昭有周故天下莫不信武王之能保天下
也其右序有周與明昭有周語意一同明昭不言實
承上省文也言天之右序有周而結之以允王維后
謂膺天命而無愧也言天之明昭有周而結之以允
王保之謂保天命於無窮也愚按天既右序成周使
人神受職則我周王信為天下之君而為天之子矣
我周既式序諸侯而以德化中國則信為天之子而
保天之命也然此一節則或曰此詩即所謂肆夏以
言巡守朝會黜陟之事也

其肆于時夏之語而命之也

國語注曰夏樂章之名
輔氏曰昊天其子之不

敢必也然細思之則知天實右序于我周也故諸侯
莫不震懼而畢朝百神莫不感格而來享蓋王巡狩

殷國則諸侯畢朝羣祀具舉故也信乎周王之為天下君則昊天誠子之矣自實右序有周而下言已然之事自明昭有周而下則言已後之事自期其當如此也武序在位所以對天之右序有周也懿德文德也此與諸侯相期以文德治乎諸夏而無或相尋於干戈弓矢之中也所謂偃武修文者是也如此則信乎王之能保受於天命矣雖詰爾戎兵張皇六師設司馬以教閱在周自有不可廢者而與諸侯相期之志則固不在此也

時邁一章十五句

春秋傳曰昔武王克商作頌曰載戢干戈而外傳又以為周公公之頌則此詩乃武王之世周

公所作也

陳少南曰武王凱歌方終而有方岳之行觀此詩是告方岳以革命之事

因其時而震服諸侯故其詩與他廟樂不同黃實夫曰時邁之作見武王所以得天下所以保

天下者皆無愧也武王巡守之事詩有時邁書有武成時邁告祭之樂章也武成識其政事以

示天下來世也庚戌柴望大告武成此告祭懷柔之實也昭我周王天休震動此莫不震疊之實

也庶邦冢君暨百工受命于周此武序在位之實也偃武修文歸馬放牛此非戢櫜之意乎建

官位事重民五教惇信明義崇德報功此非懿德以保之乎外傳又曰金奏

肆夏樊遏渠天子以饗元侯也

鄭氏曰以鍾鐃播之鼓磬應之

所謂金奏也

韋昭注云肆夏一名樊韶夏一名遏納

夏一名渠即周禮九夏之三也呂叔玉云肆夏

時邁也樊遏執競也渠思文也

顏達龍曰三夏者歌之大也天

子享元侯用之故尸出入奏肆夏牲出入奏韶夏四方賓來奏納夏其聲載于樂章其職掌於鍾師然杜預韋昭之說與呂叔玉雖不同而時邁執競思文即三夏之異名也鄭氏曰九夏疑皆詩篇名頌之類也載在樂章樂崩亦從而亡是以頌不能具愚按時邁思文皆周公所作而周禮九夏亦制作于周公周可以時邁為肆夏思文為納夏矣至于執競則昭王以後之詩而乃定為昭夏左傳國語之註恐難盡信

序巡守告祭柴望也

范氏曰古者天子巡守至方岳以柴望告祭所以懷

宗百神也後世議禮失其傳而謂之封禪非也

執競武王無競維烈不顯成康上帝是皇

賦也此祭武王成王康王之詩競強也言武王持其

自強不息之心故其功烈之盛天下莫得而競

李迂仲曰

易曰天行健君子自強不息入君亦自強然後可以成功豈不顯哉成王康王之

德亦上帝之所君也

自彼成康奄有四方斤斤

紀覲反

其明

叶謨郎反

斤斤明之察也言成康之德明著如此也

李迂仲曰言昭臨四

方無所
不察也

鐘鼓喤喤

華彭反叶胡光反

磬筦

音管

將將

七羊反

降福穰穰

如羊反

喤喤和也將將集也穰穰多也言今作樂以祭而受

福也

嚴氏曰此言樂作而神福之也

降福簡簡威儀反反既醉既飽福祿來反

簡簡大也反反謹重也反覆也言受福之多而愈益

謹重是以既醉既飽而福祿之來反覆而不厭也

李迂

仲曰既醉既飽蓋祭終而飲福耳上言祭時樂備而和故神降之福此言祭終而飲威儀備具此福祿所

以反復日至而未艾也嚴氏
曰此言禮行而神申福之也

執競一章十四句

輔氏曰武王能持自強之心而
不息故天下莫能強于功烈之

威此蓋內外之符也成王康王之德所以顯明而
上帝之所以君之者豈無自而然哉此四句皆主
武王而言之也自彼成康奄有四方乃專言成康
之德斤斤訓明與察亦有不已無間斷之意應上
顯字而言鐘鼓喤喤磬筦將將降福穰穰則言作
樂以祭樂聲之和而受福之多降福簡簡而下四
句又言既祭而燕威儀謹重故福祿之來反覆無
厭所以然者皆由武王之自強不息成康之明斤
斤不已之故

此昭王以後之詩國語說見前篇

序祀武王也

此詩并及成康則序誤矣其說已具於昊天
有成命之篇蘇氏以周之奄有四方不自成
康之時因從小序之說此亦以辭害意之失
皇矣之詩於王季章中蓋已有此句矣又豈
可以其太蚤而別為之說耶詩人之言或先
或後要不失為周有天下之意耳

濮氏曰諸
儒言序之

過往往徒費其詞而意終不慊
故朱子辨而正之夫復何疑

思文后稷克配彼天立我烝民莫匪爾極貽我來牟帝

命率育

叶曰通反

無此疆爾界

叶訖力反

陳常于時夏

賦也思語詞文言有文德也

補氏曰聖人之德文武最盛文陽也武陰也而

文取數尤多舍刑威征討之外皆文也真氏曰聖人盛德蘊於中而光輝發于外如威儀之中度語言之當理皆文也堯之文思舜之文明孔子稱堯曰煥乎其有文章子貢曰夫子之文章皆此之謂也六經論語之言文章皆取其自然形見者後世始以筆墨著述為文與聖賢之所謂文者異矣

立粒通

極至也德之至也貽遺也來小麥牟大麥也

本草曰小麥味

甘大麥味鹹為五穀長注大來今稞麥一名麩麥形似小麥皮厚故謂大麥

率徧育養也

言后稷之德真可配天

愚按真可配天故謂之克配如文王之克明德也

蓋使我烝民得以粒食者莫非其德之至也

曹氏曰天地能

生之而不能養之苟不得其養則亦弗克遂其生矣惟后稷能以粒食養人故其德足以配天立即書所謂烝民乃粒爾指后稷而言蓋曰使我衆民得以粒食者莫非爾后稷之所立者是望耳極字非指所受之且其貽我民以來年之種乃上帝之命以此徧

養下民者

嚴氏曰后稷遺我民以二麥之種此乃天命后稷徧養斯民也然稷播百穀獨舉來

牟者以其先熟濟民之食尤切也段氏曰詩言來牟者二蓋麥者五穀成熟之最先一歲豐稔之占又正闕乏之時故養民者以此為喜也是以無有遠近彼此之殊而得以

陳其君臣父子之常道於中國也

李迂仲曰此所謂富而教之也若民

無恒產因無恒心矣輔氏曰帝命以此徧養下民故稷因以教民稼穡種藝遍于天下無有疆界之限民既得以生養君臣父子之常道因可以陳布于中國也孟子論稷教稼穡契教人倫之事蓋夫生育之道無此疆爾界之殊至于五常之教則必先以中國為急故舉其所急者言之而已或曰此所謂納夏者亦以其有時夏之語而命之也

思文一章八句

國語說見時邁篇

呂東萊曰國語以此為周公之頌是此篇亦周公所作

濮氏曰此郊祀獻后稷之樂歌祭天宜有詩而今亡矣決不可以是天有成命當之孔氏曰后

稷之配南郊與文王之配明堂其義一也而我
將主言文王享其祭祀不說文王可以配上帝
此篇主說后稷有德可以配天
不說后稷享其祭祀非有異也

序后稷配天也

李迂仲曰即孝經所謂郊祀后
稷以配天者也黃實夫曰后稷

配天一事也而生民為敘
事之辭此雅頌所以異也

清廟之什十篇十章九十五句

周頌臣工之什四之二

嗟嗟臣工敬爾在公王釐

力之反

爾成來咨來茹

如預反

賦也嗟嗟重歎以深教之也臣工羣臣百官也公公

家也釐賜也成成法也茹度也 此戒農官之詩先

言王有成法以賜女女當來咨度也

爾氏曰命他官皆無詩而特命

農官則有詩者想是周人以開國故成王周公特作詩以戒飭之以重其事也蓋周家當時每事皆有成法布在天下汎於后稷教民稼穡之事乎羣臣百官或有所不知故俟之來咨來度也

嗟嗟保介維莫

慕音

之春亦又何求如何新畬

余音

於皇

來牟將受厥明明昭上帝迄用康年命我衆人庠

持利反

乃錢

子淺反

鏹

博音

奄觀銍

珍粟反

艾

刈音

保介見月令呂覽

愚按呂覽即呂氏春秋月令其說亦呂氏春秋十二紀之首也

不同然皆為籍田而言蓋農官之副也

鄭氏據月令天子親載耒耜

耜耨之于參保介之御間以為車右被甲持兵故曰保介今按呂氏春秋亦有此文但參字在于字上高

誘注云保介副也鄭說迂晦不若高誘之明白也輔氏曰保介助王耕籍田者介有副意故以為農官之

副莫春斗柄建辰夏正之三月也畬三歲田也

曹氏曰凡

田一歲曰菑初反草也二歲曰新田始為田也三歲曰畬乃成熟也於皇嘆美之詞來

牟麥也明上帝之明賜也言麥將熟也迄至也康年

猶豐年也衆人甸徒也

愚按周禮甸師下士二人府一人史二人胥三十人徒三

百人甸師掌師其屬而耕耨王籍意此詩所詩臣工即甸師也故但深教之以成法而不明戒之以事所

謂保介者即府吏之屬也故亦深教之以農事而又
不使親其勞所謂衆人則甸徒三百人也故使之具
農器以親耕穫也然則
此詩為籍田而作歟

序具錢鉞 挑 鉞鉏皆田器也

鉞穫禾短鎌也

孔氏曰鉞耨也柄長尺其耨六寸所以入苗間管子曰一農之事必有一

鉞一耨一鉞然後成農三者皆田器也

艾穫也 此乃言所戒之事言

三月則當治其新畬矣今如何哉

嚴氏曰新墾之田用力尤難故首問

之爾氏曰維暮之春亦又何求戒之使及時務農也又問所治之新畬今如何新田則費工多故舉新而該舊於是命甸徒具農器以治其新畬而又將忽見

其收成也

李迂仲曰能序乃錢鉞乃能有鉞艾之望也王介甫曰治其事于前則收其功于

後不可
不勉也

臣工一章十五句

劉辰翁曰嗟嗟臣工至來咨來茹未有所言也至嗟嗟保介則

進其從者而與之言亦惟聞其農事而已能知民事艱難而問之曰如何新如何畬其下則又述其相與贊喜勞勸之意焉嚴氏曰既嗟嘆而告臣工又嗟嘆而戒保介皆以重農之意告之也

序諸侯助祭遣於廟也

序誤

孔氏曰頌雖告神為主但天下太平歌頌君德亦有非祭祀者臣工噫嘻有客

振驚皆不論神明之事是頌體不一不必皆是告神明也

噫嘻成王既昭假

音格

爾率時農夫播厥百穀駿發爾私

終三十里亦服爾耕十千維耦

叶音擬

賦也噫嘻亦歎詞也昭明假格也爾田官也時是駿

大發耕也私私田也三十里萬夫之地四旁有川內

方三十三里有奇言三十里舉成數也

周禮遂人曰夫間有遂萬

夫有川孔氏曰一夫百畝方百步積萬夫方之是廣長各百夫以百乘百是萬也夫有百步三夫為一里則百夫為三十三里餘百步耦二人並耕也此連步三分里之一為小半里也

上篇亦戒農官之詞昭假爾猶言格汝衆庶蓋成王

始置田官而嘗戒命之也爾當率是農夫播其百穀

使之大發其私田皆服其耕事萬人為耦而並耕也

蓋耕本以二人為耦今合一川之衆為言故云萬人

畢出并力齊心如合一耦也

胡庭芳曰十千維耦者蓋萬夫合耦而耕實五

千耦耳五千耦而并力齊心如一耦也

此必鄉遂之官司稼之屬其職

以萬夫為界者溝洫用貢法無公田故皆謂之私

陳安

卿曰周制國中鄉遂之地用貢法田不井授但為溝洫一夫受田百畝與同溝之人通力合作計畝均收

大率十而賦其一趙氏曰陳器之云鄉遂用貢法周禮遂人是也按遂人云百夫有洫十夫有溝竊意鄉

遂之地在近郊遠郊之間六軍之所從出必是平原廣野可畫為萬夫之田有溝有洫人有途路也

蘇

氏曰民曰雨我公田遂及我私而君曰駿發爾私終三十里其上下之間交相忠愛如此

噫嘻一章八句

歐陽子曰此是康王以後之詩輔氏曰臣工是成王戒農官之辭噫

嘻疑是康王戒農官之辭既昭格爾言昔時成王嘗進爾農官而戒命之矣三爾字皆指農官而言其職既以萬夫為界則萬夫之發私田服耕事皆農官之已事也

序春夏祈穀于上帝也

序誤

振鷺于飛于彼西雝我客戾止亦有斯容

賦也振羣飛貌鷺白鳥雖澤也

王氏曰辟雖有水鷺所集也在西郊故曰

西客謂二王之後夏之後杞商之後宋於周為客天

子有事膳焉有喪拜焉者也

孔氏曰客者敵主之言先代之後時王偏所尊

敬特謂之客也又曰史記杞世家云武王求禹後得東樓遂封於杞其殷後則初封武庚後以叛而誅之更封微子於宋李迂仲曰我客云者不純臣侍之如所謂虞賓在位作賓王家也

此二王

之後來助祭之詩言鷺飛于西雖之水而我客來助

祭者其容貌脩整亦如鷺之潔白也

嚴氏曰振振然羣飛之鷺集于

西郊辟雖之澤其羽毛潔白容止舒閑可觀也杞宋之君皆來助祭於此亦有此容也或曰興也

在彼無惡

烏路反

在此無斃

叶丁故反

庶幾夙夜

叶羊如反

以永終

譽

彼其國也在國無惡之者在此無厭之者如是則庶

幾其能夙夜以永終此譽矣

李迂仲曰庶幾終譽此所謂愛人以德也成王

告微子曰與國咸休永世無窮陳氏曰在彼不以我

又曰俾我有周無斃皆此意也革其命而有惡於我知天命無常惟德是與其心服

也在我不以彼隆其命而有厭於彼崇德象賢統承

先王忠厚之至也

補氏曰在彼無惡其心公也在此無斃其心厚也公則順天厚則盡

道必如是然後可以夙夜以永終此譽也尊之曰客
又以鷺比所謂譽也庶幾不敢必之辭也夙夜無或
息之意也永長也終竟也愚按所引陳說在彼無惡
之意與上文傳意微異故朱子初解舊本於此說之
下有亦通二字

振鷺一章八句

李迂仲曰祀宋天子後也其禮如

振鷺詩不是正祭之樂歌乃獻助祭之臣未甯如
何曰看此文意都無告神之語恐是獻助祭之臣
古者祭祀每受胙主與賓尸皆有獻酬之禮既
畢然後亞獻至獻畢復受胙如此禮意甚好有接
續意思到唐時尚然今併受胙于諸獻既畢之後
主與賓意思皆隔了古者一祭之中所以多事曹
氏曰必存二代之後者所以尊其先世受命之君
俾承祀而不廢且示天下公器又使時君常以履

車為
鑒耳

序二王之後來助祭之樂歌也

濮氏曰疑此微子來朝始至而

王燕勞之工所奏之樂歌也序言二王之後習於傳聞亦不見其來助祭之意

豐年多黍多稌

杜音

亦有高廩

力反

萬億及秭

洛履反

為酒

為醴烝畀祖妣以洽百禮降福孔皆

叶舉里反

賦也稌稻也黍宜高燥而寒稌宜下濕而暑黍稌皆

熟則百穀無不熟矣

李迂仲曰稌粳也職方氏謂雍冀高燥其穀宜黍荆揚下濕其

穀宜稻是黍利高燥稌利下濕也

豐年之時或高或下無所不熟亦助語辭數萬至

萬曰億數億至億曰猗烝進畀子洽備皆徧也 此

秋冬報賽田事之樂歌蓋祀田祖先農方社之屬也

胡庭芳曰按濮氏謂此年穀始登而薦宗廟之樂歌
豈非以其有烝畀祖妣之辭歟愚按序以噫嘻為春
夏祈此詩為秋冬報載芟為春祈良邦為秋報朱子
初解皆用其說今此集傳乃其改本於彼三詩傳文
及序說既皆不取小序獨此篇於序說亦謂其誤而
傳猶用序意者豈後來所改有未盡歟然得濮氏胡
氏之說亦足 言其收入之多至於可以供祭祀備百
以補之矣

禮而神降之福將甚徧也

嚴氏曰有此黍稷之多以
之為清酒以之為醴齊進

與先祖先妣而祭祀之所以會合其事神之
衆禮百物皆所以為禮而行禮以酒為主也

豐年一章七句

序秋冬報也

序誤

陳器之曰據改本說則當去序誤字

有瞽有瞽在周之庭

賦也瞽樂官無目者也

鄭氏曰瞽矇也目無所見於音聲審也周禮上瞽四十八

中瞽百人中下瞽百六十人有視瞭者相之

序以此為始作樂而合乎祖

之詩

濮氏曰王者功成作樂而始合奏于祖廟此工歌也祖通言先祖

兩句總序其

事也

輔氏曰瞽言作樂之人也庭言作樂之處也兩句總序其事是也

設業設虞

音巨

崇牙樹羽應田縣鼓鞀

音挑

磬祝

反尺

圉

魚女

反

既備乃奏

叶音祖

簫管備舉

以上叶

替字

業虞崇牙見靈臺篇樹羽置五采之羽於崇牙之上

也

孔氏曰值者為虞橫者為枸大板謂之業所以飾此枸而為崇牙刻之如鋸齒捷業然故曰業具形

卷然可以縣鼓磬樹五采之羽以為文畫繒為翬載以璧樹翬於枸之角明堂位所謂周之璧翬應

小鞀田大鼓也

孔氏曰釋樂云小鼓謂之應大射禮云應鞀在建鼓東見為一器故知應

小鞀也應既是小田宜為大

鄭氏曰田當作鞀

引小鼓也

孔氏曰以經傳

皆無田鼓之名而大師職云令奏鼓鞀注云為大鼓先引故知田當作鞀縣鼓周制也夏

后氏足鼓殷楹鼓周縣鼓

記明堂位注曰足謂四足楹謂之柱貫中上出也縣

縣之簣虞也

曹氏曰足鼓則以趺承之楹鼓則以柱貫之周鼓始垂於簣虞故謂之垂鼓也

靴如

鼓而小有柄兩耳持其柄而搖之則傍耳還自擊磬

石磬也祝狀如漆桶以木為之中有椎連底撞

幘又去聲

之令左右擊以起樂者也圉亦作敔狀如伏虎背上

有二十七鉏鋸刻以木長尺攔

厯又音畧

之以止樂者也

孔氏曰釋樂云所以鼓祝謂之止所以鼓敔謂之攔郭璞云祝方二尺四寸深一尺八寸中有柄椎連底

桐之止其椎名也敔以木長尺攔之攔具名也攔音真桐音同考索某氏曰祝方二尺四寸陰也敔二十

七鉏鉏陽也樂作陽也以陰數成之樂止
陰也以陽數成之固天地自然之理也
簫編小竹

管為之管如籥

笛

併兩而吹之者也

王介甫曰簫太者編二十三管

長尺四寸小者十六管長尺二寸參差象鳳翼
孔氏曰小師注云管如笛形小蓋並吹兩管也

喤喤

音橫

厥聲肅雝和鳴先祖是聽我客戾止永觀厥成

以上叶
庭字

我客二王後也觀視也成樂闋也如簫韶九成之成

成樂之一終也蔡九峯曰樂者象成者也
故曰成曹氏曰永觀厥成觀之無厭斁也
獨言二王

後者猶言虞實在位我有嘉客蓋尤以是為盛耳

謝

山曰舜作樂而曰虞賓在位祖考來格成王合樂而
曰先祖是聽我客戾止以先代之後與先祖並言尊
之至也書曰崇德象賢統承先王修其禮物非尊其
後尊聖帝明王也愚按虞賓在位則舜之作樂以此
為盛我有嘉客則商人作樂以此為盛
我客戾止則周人作樂以此為盛也

有瞽一章十三句

濮氏曰始言樂官中言樂器終言樂聲之美

序始作樂而合乎祖也

猗

於宜反

與

余漆沮

七余反

潛

有多魚有鱣

張連反

有鮪

叶于反

鯨

音條

鱣

音常

鯉

音以

以享以祀

叶逸反

以介景福

叶筆反

賦也猗與歎詞潛摻

音參也

爾雅云魚之所息謂之摻

音譚

摻也音漆

字林作

罪音心
去聲

蓋積柴養魚使得藏隱避寒因以薄圍取之

也或曰藏之深也

嚴氏曰王氏以為潛藏之潛言鯨取之深也解頤新語云魚喜潛

白鯨也

陸璣曰鯨形狹而長若條然

月令季冬命漁師始漁天子

親往乃嘗魚先薦寢廟

鄭氏曰天子必親往視漁明漁非常事重之也此時魚繁

美李春薦鮓于寢廟

鄭氏曰進時美物

此其樂歌也

彭氏曰子孫之

祭其先祖九州之美味莫不畢備然其樂歌必言其所興之地取其所產之物而薦之者以示不忘本之意抑亦思其所嗜之意

潛一章六句

輔氏曰魚乃澤物之美者故薦之宗廟以致其孝心焉今月令但有季冬

薦寢廟之文而已季春薦鮓乃序說也古注以為冬魚性定春鮓始來似亦可取魚性定故其肉味美可薦但春鮓始來尤可貴耳

序季冬薦魚春獻鮓也

孔氏曰冬言季春亦季春也冬月既寒魚不行

孕性定而肥充冬則衆魚皆可薦春惟獻鮓而已

有來雖雖

與公叶篇內同

至止肅肅相

息亮反

維辟

音壁

公天子穆

穆

賦也雖雖和也肅肅敬也相助祭也辟公諸侯也穆

穆天子之容也

其助祭者公侯其主祭者天子也

此武王祭文王

之詩言諸侯之來皆和且敬

愚按諸侯之來者非一故以離離言其和其至

止於廟中也故以肅肅言其敬輔氏曰來而不和則有勉強不得已之心至而不敬則有怠緩不敬事之

意以助我之祭事而天子有穆穆之容也

於

音烏

薦廣牡相

同上

予肆祀

叶養里反

假

古雅反

哉皇考

叶音口

綏

予孝子

叶樊里反

於歎詞廣牡大牲也

王介甫曰碩大肥膾之謂也

肆陳假大也皇

考文王也綏安也孝子武王自稱也

言此和敬之

諸侯薦大牲以助我之祭事

嚴氏曰言得天下之歡心以奉其先王也而

大哉之文王庶其享之以安我孝子之心也

宣哲維人文武維后燕及皇天

叶鐵因反

克昌厥後

宣通哲知燕安也

此美文王之德宣哲則盡人之

道文武則備君之德故能安人以及于天

曹氏曰安及皇天則

陰陽和而風雨時日月光而星辰靜無錯行妄動之變

而克昌其後嗣也

漸氏曰言

文王之安于人而格于天所以能昌威我後嗣之人也人為萬物之靈維通與知所以盡人之道文武之德所該者甚衆故曰備君之德堯之德廣運亦曰乃武乃文而已人道立故天道成是以能安人者則能燕及于天也天之佑君者莫大於予以賢蘇氏曰周子孫是以能燕及於天則能昌我後嗣也

人以諱事神文王名昌而此詩曰克昌厥後何也曰周之所謂諱不以其名號之耳不遂廢其文也諱其

名而廢其文者周禮之末失也

李迂仲曰周人以諱事神者如稱文王則

不斥之曰文王昌書稱惟爾元孫某史官不敢斥其名故也如穆王名滿當時亦有王孫滿襄王名鄭當時亦有衛侯鄭魯武公名敖而後世之人有公孫敖觀此則知此詩克昌厥後噫嘻言駿發爾私皆未嘗諱也孔子作春秋如匡王名班而書曹伯班簡王名夷而書晉侯夷吾皆未嘗諱

綏我眉壽

叶殖

介以繁祉既右

音烈考

叶音

亦右文母

叶滿
彼反

右尊也周禮所謂享右祭祀是也

春官大祝掌辨九

音拜

烈考猶皇考也文母大妣也

胡庭芳曰以文母證之則烈考為文王無

疑此詩為武王祭文王之詩無疑

言文王昌厥後而安之以眉壽

助之以多福使我得以右于烈考文母也

輔氏曰綏我眉壽下

四句則承上文而言所以綏我之實如此故我所以得享右乎烈考與文母也愚按先儒於介字皆訓助朱傳於此章亦然而於他詩皆訓大其義可互見也

雖一章十六句

周禮樂師及敎帥學士而敎敎說者以為即此

此鄭氏曰學士國子也徹者歌雍論語亦曰以雍徹徹祭畢而收其俎也

天子宗廟之祭則歌雍以徹然則此蓋徹祭所歌而亦名為

徹也

序禘太祖也

祭法曰周人禘嘗又曰天子七廟三昭三穆

及太祖之廟而七周之太祖即后稷也禘嘗

於后稷之廟而以后稷配之所謂禘其祖之

所自出以其祖配之者也祭法又曰周祖文

王而春秋家說三年喪畢致新死者之主于廟亦謂之吉禘是祖一號而二廟禘一名而二祭也今此序云禘太祖則宜為禘饗於后稷之廟矣而其詩之詞無及於饗稷者若以為吉禘于文王則與序已不協而詩文亦無此意恐序之誤也此詩但為武王祭文王而徹俎之詩而後通用於他廟耳

載見

賢通反下同

辟

音壁

王曰求厥章龍旂陽陽和鈴央央

良於

反

條

革有鴈

反

休有烈光

賦也載則也發語辭也章法度也交龍曰旂陽明也

軾前曰和旂上曰鈴

孔氏曰和亦鈴也爾雅曰有鈴曰旂郭璞云縣鈴於竿畫交龍

旂中央有鴈皆聲和也

按商頌鴈鴈鄭云聲和也

休美也

此諸

侯助祭于武王廟之詩先言其來朝稟受法度

唐氏曰稱

慶賀刑威以制萬國者辟王也故諸侯來朝就求典章焉

其車服之盛如此

補氏曰法

度云者所該廣德禮刑政皆是也諸侯來見天子豈特勉循故事而已言其功烈興輝光又皆休美也旂所

以為車識故先言之和鈴

條革皆有和聲故次言之

率見昭考以孝以享

叶虛良反

昭考武王也廟制太祖居中左昭右穆周廟文王當

穆武王當昭故書稱穆考文王而此詩及訪落皆謂

武王為昭考

太祖廟在此昭穆各以次而南廟皆南向羣廟之列左為昭而右為穆也若武

王謂文王為穆考成王稱武王為昭考則自其始祔而然蓋但以左右為昭穆而不以昭穆為尊卑也愚按后稷為始封之君其廟居中自二世為昭三世為穆遞數至十五世而文王廟次當穆十六世而武王廟次當昭也此乃言王率諸侯以祭武王廟也

以介眉壽永言保之思皇多祐

後五反

烈文辟公綏以多

福俾緝熙于純嘏

叶音古

思語辭皇大也美也 又言孝享以介眉壽而受多

福是皆諸侯助祭有以致之使我得繼而明之以至

于純嘏也蓋歸德于諸侯之詞猶烈文之意也

輔氏曰我

當長言保之以有此既大且多之福然凡若此者皆是有德之諸侯助祭以致之安我以是多福而使我能續以明之至于純嘏純嘏則又全備於多福也

載見一章十四句

彭氏曰諸侯來朝意氣懽悅車服鮮明所謂休有烈光也率之

以見于昭考之廟以致孝享之禮以助眉壽之福凡今所以永保多祜皆爾辟公有以綏之而

使得以緝熙
于統敵也

序諸侯始見乎武王廟也

序以載訓始故云始見恐未必然也

有客有客亦白其馬

叶滿補反

有萋有且

七序反

敦

都回反

琢其

旅

賦也客微子也

曹氏曰封於微而爵為子微蓋商所內國名

周既滅商封

微子於宋以祀其先王而以客禮待之不敢臣也

呂東

萊曰成王殺武庚叛者殺之爾封微子賢者封之爾孔氏曰客止一人而重言之是丁寧殊異以尊大之

也亦語辭也殷尚白修其禮物仍殷之舊也

蔡九峯曰修其

典禮文物不使廢壞以備一代之法也

萋且未詳傳曰敬慎貌

曹氏曰萋如萋

今斐兮且如籩豆有且言其萋且有文

敦琢選擇也旅其卿大夫從行

者也

孔氏曰敦琢是治玉之名人而言敦琢故為選擇明尊其所往故擇其卿大夫之賢者與之朝

王 此微子來見祖廟之詩

孔氏曰命微子為宋公代殷後乃來朝而見于

周之祖廟 而此一節言其始至也

黃實夫曰馬有潔白之色人有萋且之敬旅有

敦琢之賢則周人之于微子無往而不見其可愛也

有客宿宿有客信信言授之繫

陽立反

以繫其馬

同上

一宿曰宿再宿曰信

呂東萊曰燕郡張氏云宿宿者凡一宿者再也信信者凡再宿

者再也

嚴氏曰

樂其留之久也

繫其馬愛之不欲其去也

嚴氏曰恐其去

之速此一節言其將去也

薄言追之左右綏之既有淫威降福孔夷

追之已去而復還之愛之無已也左右綏之言所以

安而留之者無方也淫威未詳舊說淫大也統承先

王用天子禮樂所謂淫威也夷易也大也此一節言

其留之也

曹氏曰威等威也微子用其先王之車服禮樂其等威之大異乎列國之諸侯矣王

介甫曰既有淫威則所享宜盛大故降福孔夷也
段氏曰劉氏云有德而神降之福故以降福終焉

有客一章十二句

輔氏曰蔓且敬慎貌又似有文章貌敦琢選擇也亦有整飭之

意其始至也慎重其事如此非以媚乎周也誠之
至也所謂在彼無惡也宿宿一宿而又一宿也信
信再宿而又再宿愛之而不欲其去也去而復追
還之所以安而留之者又無方焉慇懃之意如此
非以私商也厚之至也所謂在此無數也既與之
以甚大之威儀則其降之以甚大之祉福可知矣
此則慰安而
勸勉之辭也

序微子來見祖廟也

孔氏曰來見祖廟必異助祭不言所祭之名不

指所在之廟無得而知也李迂仲曰有客乃微
子始受命之詩濮氏曰此宋公來朝將去而王

燕餞之興振鷺詩為首末也序以為來見祖廟則語意不明商之祖廟固無由在京師而周之廟非助祭於王何得以見之

於音烏皇武王無競惟烈允文文王克開厥後嗣武受之

勝殷遏劉者音指定爾功

賦也於歎辭皇大遏止劉殺者致也周公象武王

之功為大武之樂

曹氏曰伐紂以除害樂其能成武功也

言武王無競

之功實文王開之而武王嗣而受之勝殷止殺以致

定其功也

黃寶夫曰止殺如武成所謂以遏亂畧是也李迂仲曰大武之意在於止戈大武之

詩在於止殺也嚴氏曰信乎文王有文德以問後人之基緒矣然殷虐未除則文德未能盡達於天下故武王繼之以武而受之伐紂以止殺然後致定其功所以歸重武王之功明非武王之武無以成文王之文也陳壽翁曰武王之烈實丕承乎文王之德故不以武為武而以止殺致定為武武烈之中實有文德寓焉輔氏曰武王故稱其莫強之烈文王故稱其信有之文父子一心文武一道但文王開始武王成終有先後之次耳勝殷止殺以致定其功所謂神武不殺者也此詩與書武成所載文王克成厥勳予小子其承厥志之意同世儒執以為文王全無取天下之心者不幾於固乎

武一章七句

春秋傳以此為大武之首章也

濮氏曰左傳以此詩為大武之

首章賈為第三章桓為第六章然周頌皆一章而已無疊章也或者後世取而用之於其事不可知也

大武周公象武公武功之舞歌此詩以奏

之曹氏曰孔子語賓牟賈以武樂始於總干而山立終于周道四達禮樂交通豈止於武功

而已禮曰朱干玉戚冕而舞大武明堂位曰下

戚冕而舞大武注云象周頌武詩也以管攝之朱干亦大盾也戚斧也冕冠名祭統注云管象

吹管而舞武象之樂也干戚武象之舞所執也何氏曰內則成童舞象象舞武舞也謂干戈之

小舞也象用兵刺伐之舞蓋象武王伐紂而成功也然傳以此詩為武王

所作則篇內已有武王之謚而其說誤矣

序奏大武也

臣工之什十篇十章一百六句

周頌閔予小子之什四之三

閔予小子遭家不造

叶祖候反

嬛嬛

其傾反

在疚

音呼救於烏乎

皇考

叶扶候反

永世克孝

叶呼候反

賦也成王免喪始朝于先王之廟而作此詩也閔病也予小子成王自稱也造成也嬛與羶同無所依怙之意疚哀病也匡衡曰熒熒在疚言成王喪畢思慕

意氣未能平也蓋所以就文武之業崇大化之本也

李迂仲曰嫫與哀此乳獨之義同嫫孤獨也左傳亦有在疚之文亦是居喪之稱也王雖朝于廟然去喪

未甚遠故猶以死喪為言皇考武王也歎武王之終身能孝也愚按

此釋經文第四第五句輔氏曰周至成王之時可謂成矣而曰遭家不造者王業雖成天下雖治而成王之心常若未成未治也如此然後能保其成若自謂已成已治則殆矣匡衡可謂善說詩也喪畢思慕所以釋號號字意氣未能平所以釋在疚字蓋所以就文武之業崇大化之本則又以言其效驗也惟成王之能如此所以知武王之所以繼志述事者為終身能孝也

念茲皇祖陟降庭叶去聲止維予小子夙夜敬止

皇祖文王也承上文言武王之孝思念文王常若見

其陟降於庭猶所謂見堯於牆見堯於羹也

後漢書李固曰堯沒

舜仰慕三年坐則見堯於牆食則見堯於羹

楚詞云三公揖讓升降堂只

音紙與此文勢正相似而匡衡引此句顏注亦云若

神明臨其朝廷是也

匡衡時未行毛說顏監又精史學而不枯於專經之陋故其言

獨得經之本旨也余舊讀詩而愛顏說然尚疑其無
据及讀楚詞乃有登降堂只之文於是益信陟降庭
止之為古語也愚按大昭曰三公穆穆登降堂只其
言三公登降堂正猶此言皇祖陟降庭其言只為語
已詞正猶此言止也但集傳所引揖讓二字彼文正作穆穆則此或傳寫之誤耳

於乎

二字同上

皇王繼序思不忘

皇王兼指文武也承上文言我之所以夙夜敬止者

思繼此序而不忘耳

李迂仲曰武王能以念茲皇祖為孝則成王亦當以思繼祖考

為孝愚按成王因見于廟對趙祖考惻然自念而嘆既曰於乎皇考又曰於乎皇王所感之意深矣

閔予小子一章十一句

陳壽翁曰思親而見其如在者此人子終身慕親之孝當親歿

而愈篤者也記曰致愛則存致慤則著著存不忘乎心夫安得不敬乎惟武王之孝於文王者有此心故成王之孝於武王者亦惟致敬以不忘乎此心此武王之達孝所以上無愧於文王而下可示法於成王也

此成王除喪朝廟所作疑後世遂以為嗣王朝

廟之樂後三篇放此

愚按此篇乃訪落散之小
序四詩詞意相表裏如云

遭家不造率時昭考未堪家多難及懲創管蔡
之事皆可驗其為成王之詩而小序于四詩皆
泛言嗣王故又疑其後為
嗣王朝廟通用之樂歌也

序嗣王朝於廟也

愚按朱子辨說
見小序下

訪予落止率時昭考於

烏乎

悠哉朕有未艾

五蓋將

予就之繼猶判渙維予小子未堪家多難

乃且

紹庭上

下陟降厥家休矣皇考以保明其身

賦也訪問落始

曹氏曰凡宮室始成
則落之故以落為始

悠遠也艾如夜

未艾之艾判分渙散保安明顯也

王介甫曰保安則無危亡之憂明顯

則無昏塞之患

成王既朝于廟因作此詩以道延訪羣臣

之意言我將謀之於始以循我昭考武王之道然而其道遠矣予不能及也將使予勉強以就之而所以繼之者猶恐其判渙而不合也則亦繼其上下於庭陟降於家庶幾賴皇考之休有以保明吾身而已矣

輔氏曰延訪羣臣所以盡下情率時昭考所以守家法二者相資盡下情而不守家法則內無主守家法而不盡下情則外無助於乎悠哉朕未有艾又歎武王之道甚遠而恐在我有所不能及也味此意則成

王固已默識夫武王之道若不用工夫則便以爲易矣豈識此味哉將予就之繼猶判渙言將使我免強以就之猶恐其力量不足意思不能接續或至於判渙不能收拾聚蓄其道於我之一身也於是又數以爲予乃勗冲小子未能任國家之多難此蓋指武庚之事而言則亦當繼紹武王內外所行之事上下於庭指其外事也陟降于家指其內事也庶幾賴武王之休以保安明顯我之身而已李迂仲曰自訪予落止至繼猶判渙皆是仰先王之盛德嘆取躬之涼薄苦前哲之高遠也胡庭芳曰自繼猶判渙而上猶有皇皇如有求而弗獲之意自繼予小子而下則皇蒿悽愴如或見之也其曰訪予落止率時昭考此如有所求也於乎悠哉朕未有父歎其道之遠而未有所止也將道在是而可就矣乃倭爾分判渙散而靡有可就者焉於是歎曰維予小子不堪家多難將何以淑其後乎姑上下以紹於庭除之間乃若陟降

于殿家焉是則皇考休美之道初若可就而俟列渙者今則焄蒿悽愴若或見之果足以保明吾之身矣誦其詩想其形容成王之思慕皇考爰繼爰述何其微婉懇切反覆曲盡有無窮之嘆詠也哉

訪落一章十二句

說同上篇

陳壽翁曰武王之道若悠遠而難繼而武王之上下於庭陟降於家者其

迹未遠則近而可繼成王紹武王之上下陟降於家庭者是即武王念文王而見其陟降於庭者也如此之紹庭上下陟降厥家者豈不由於前詩之夙夜敬止繼序思不忘哉維其能敬以思繼武王念文王之心所以能以武王之如見文王于庭者而紹武王於家庭也二詩語意相照應如此蘇氏曰上篇言將繼其祖考之詩也訪落謀所以繼之之詩也黃實夫曰上篇言陟

降庭止而此言紹庭上下陟降厥家上篇言繼
序思不忘而此言休矣皇考以保明其身皆是
一時所作李迂仲曰人君者天下之本也始即
位臨政者又人君之本也故伊尹告文甲以嗣
王新服厥命惟新厥德召公亦曰王乃初服此
訪落所由作也愚按夫子稱武王善繼志述事
而以為踐其位行其禮奏其樂事死如生事亡
如存固可見武王之達孝矣即前篇所謂永世
克孝者也成王之繼武王而曰繼序思不忘曰
繼猶判渙曰紹庭上下無非繼述之心其孝可
謂不
賁矣

序嗣王謀於廟也

愚按朱子辨說見
小毖序下篇同

敬之敬之天維顯思

叶新夷反

命不易

以陂反

哉

叶贊黎反

無曰高

高在上陟降厥士日監在茲

叶律之反

賦也顯明也思語辭也士事也成王受羣臣之戒

而述其言曰敬之哉敬之哉天道甚明其命不易保

也

嚴氏曰敬而又敬者誠之不己也蓋以天道甚明禍福不爽故予奪無常其命難保也李迂仲曰善

則禍之淫則禍之裁者培之傾者覆之未有善而不獲福未有惡而不獲禍天之道蓋顯矣故其命靡常

所以為不易也無謂其高而不吾察當知其聰明明畏常若

陟降於吾之所為而無日不臨監于此者不可以不

敬也

輔氏曰毋不敬可以對越上帝天道之明命不易保唯敬則能對越之若曰高高在上則便是

不敬不敬則自絕于天矣常敬則見其陟降於己所為之事曰監在茲也陟降廢士即所謂昊天曰明及爾出王昊天曰旦及爾游衍也

維予小子

叶獎里反

不聰敬止日就月將學有緝熙于光明

叶謨郎反

佛

符弗反又音弼

時仔

音茲

肩示我顯德行

下孟反叶戶郎反

將進也

日就月將是日成月長就成也將大也

佛弼通

鄭氏曰輔也嚴氏曰輔謂之弼

者言正救其失不專順從之也學記云其求之也佛佛不順也猶孟子所謂法家佛士也

仔肩任

也

嚴氏曰仔肩為負荷之意故為任

此乃自為答之之言我不聰

而未能敬也然願學焉庶幾日有所就月有所進續

而明之以至于光明又賴羣臣輔助我所負荷之任

而示我以顯明之德行則庶乎其可及爾

輔氏曰不聽知有所

不及之事不敢行有所未至之事日就就事上言月將就大本上言成王自知具知與行皆有所未至故欲勉學問庶幾日於事上有所就月於本上有所將繼續不已以至於光明又賴羣臣助我所任之事而示我以顯明之德行則庶乎其可及耳日就月將學有緝熙于光明所以自責於己佛時仔肩示我顯德行所以外資於人責于己者盡資於人者廣則大學明明德以至于平天下之事庶乎其可及矣故先生嘗語學者曰詩中說得學有緝熙于光明此句最好蓋心地本自光明只被利欲昏了今所以為學者要令其光明處轉光明所以下緝熙緝如緝麻之緝連緝不已之意熙則訓明字心地光明則此事有此理

此物有此理自然見得且如人心未嘗不見明見他人做得是便道是做得不是便道不是何嘗不光明只是才明便昏了

敬之一章十二句

陳壽翁曰成王以天之當敬者臣之忠也答羣臣以未能敬者

君之謙也憂其未能敬而內為學於已外求助於臣是即求所以盡此敬也學求造于光明而臣復示我以德之顯明則天不在高高在上之天而在吾心之天矣其為敬天孰大於是胡庭芳曰此篇成王自戒并戒羣臣以求助之作也成王知我有顯道命之難謹不可不致其敬也故曰敬之敬之天惟顯思命每靡常而匪易也無曰高高在上其實陟降于所為之事而日監在茲也今予小子雖非有聰明之資然而自知所敬日就月將以勉勉於學求以緝熙于光明爾眾士其輔弼我示我以

顯然之德行庶幾其可以體而行之以為延續天命之本也

序羣臣進戒嗣王也

胡庭芳曰詩中不見得是羣臣進戒嗣王自維予小

子以下則嗣王先自述而後求羣臣之助也序說恐亦誤矣

予其懲

直升反

而毖後患莫予弇

普經反

蜂自求辛螫

施陵反

肇允彼桃蟲拚

芳煩反

飛維鳥未堪家多難

乃旦反

予又集

于蓼

音了

賦也懲有所傷而知戒也毖慎弇使也蜂小物而有

毒

王介甫曰蜂善辛螫

肇始允信也桃蟲鷦鷯小鳥也拚飛

貌鳥大鳥也鷦鷯之雛化而為鵬故古語曰鷦鷯生

鵬言始小而終大也

陸農師曰鷦鷯巢於葦苔繫之以髮其巢至精密以麻紮之如

刺機然故一名機

蓼辛苦之物也

此亦訪落之

意成王自言予何所懲而謹後患乎并蜂而得辛螫

信桃蟲而不知能為大鳥此其所當懲者蓋指管蔡

之事也

蘇氏曰成王始信管蔡而疑周公既而悟其姦故曰予其懲而謹後患也

蜂不可使而

使之則是自求辛螫矣始信其為桃蟲及其析飛則雖鳥矣以此信二叔則其禍如此也愚按朱子以此詩作於成王免喪之際則是武王崩後之三年也按書曰周公位冢宰正百工羣叔流言則是武王方崩

流言即興周公避而居東二年之秋天有雷風之變於是王迎公歸明年免喪朝廟而此四詩繼作故此篇深懲管蔡之事也然我方幼沖未堪多難而又集於辛苦之地羣臣奈何捨我而弗助哉

小毖一章八句

蘇氏曰小毖者謹之於小也謹之于小則大患

無由至矣

愚按謹之於小者即謹之於始也即所謂訪落之意也謹之於始不以蜂

為小而使之則其後無卒螫之患矣不信其為
桃蟲之小則其後無翻飛大鳥之患矣名篇者
特于毖字上加一

小字其意深矣

序嗣王求助也

此四篇一時之詩序但各以其意為說不能

究其本末也

載芟載柞

側百反叶
疾各反

其耕澤澤

音釋叶
徒洛反

賦也除草曰芟除木曰柞秋官柞氏掌攻草木是也

曹氏曰秋官柞氏掌殺草秋鼪而芟之
是除草曰芟難音弟鼪音孕舍實曰鼪

澤澤解上聲散

也

釋氏曰土解也嚴氏曰專言新墾之田者
其用力尤難故也愚按第一節言墾土也

千耦其耘徂隰徂畛

音真

耘去苗間草也

愚按朱子初解嘗從鄭箋以耘為除根株蓋除草木之根株也今此傳改

為去苗間草然以下丈之次序觀之恐此句未遽說

耘苗也故曹氏以為反土之後草木根株有芟柞不

盡者則復隰為田之處也嚴氏曰下畛田畔也某氏曰干

言其多也耦言並行也或但隰或但畛言耕

夫遍野無曠土也愚按第二節言治田也

侯主侯伯侯亞侯旅侯彊侯以有噲其饁思

媚其婦有依其士與以有略其耜叶養倬載南畝叶滿

主家長也伯長子也亞仲叔也李迂仲曰亞旅衆子

弟也彊民之有餘力而來助者遂人所謂以彊予與

任此氓者也

孔氏曰謂其人強壯治一夫之田有餘力能佐助他事者也

能左右

之曰以太宰所謂閒

閒民轉移執事者

鄭氏曰閒民謂無事業者

轉移為人執事

若今時傭力之人隨主人所左右者也

嚴氏曰言

衆力競勸無游民也

噲衆飲食聲也媚順依愛士夫也言餉婦

與耕夫相慰勞

去聲也

李迂仲曰婦人行饁夫則順其婦婦示依其夫也曹氏曰士不

辭耕稼之勞而知愛其婦婦不憚饁餉之煩而知依其夫有和樂之風焉嚴氏曰夫耕婦饁驩然相愛見

治世之略利

曹氏曰耜耒首作木為之利則入土也

倣始載事也

曹氏曰前

曰其明澤澤初反土也今曰倣載南畝則將重矣愚按第三節言男女長幼齊力於始耕也

播厥百穀實函斯活

叶呼
酷反

函合活生也既播之其實含氣而生也

曹氏曰百穀之性各有所

宜而水旱豐凶不可預料故悉種之所以為備也鄭氏曰實種子也愚按第四節言苗生也

驛驛其達

叶他
悅反

有厭其榮

驛驛苗生貌達出土也厭受氣足也傑先長者也

愚按

第五節言苗

生之盛也

厭厭其苗緜緜其鹿

表驕
反

緜緜詳密也鹿耘也

王介甫曰前曰千耦其耘則既耕而耘今曰緜緜其鹿則既苗

而耘也既苗而耘則以縣縣為善恐傷苗也嚴氏曰
芟耘庶皆除草也芟與柞並言是新闢田除地上之
草也既畊而言耘是反土而除土中之草根也既苗
而言庶是除草間之草也愚按第六節言耘苗也

載穫濟濟

子禮反

有實其積

子賜反叶上聲

萬億及秬為酒為醴

烝畀祖妣以洽百禮

濟濟人衆貌實積之實也積露積也

胡庭芳曰上言實函此言實積

皆指穀實酒三酒醴五齊祭祀則酒正供之祭有十
倫其禮實繁而皆以酒行之故酒可以洽百禮王介
甫曰以洽百禮既烝畀祖妣而達之祭祀賓客無
所不洽也愚按第七節言收入之多以供祭祀也

有飴

蒲即反

其香邦家之光有椒其馨胡考之寧

餽芬香也未詳何物胡壽也

孔氏曰周書諡法保民者父曰胡李迂仲曰胡

考者老也

以燕享賓客則邦家之所以光也以共養耆老

則胡考之所以安也

愚按第八節又言可以待實養老也

匪且有且匪今斯今

叶音經

振古如茲

無韻未詳

且此振極也言非獨此處有此稼穡之事非獨今時

有今豐年之慶蓋自極古以來已如此矣猶言自古

有年也

陳少南曰振古以來皆如上文之所謂也嚴氏曰自古以來皆如此繼此以往尤願勿替

也愚按第九節則追言田事之所由來者遠矣

載芟一章三十一句

此詩未詳所用然辭意與豐年相似其用應亦

不殊

愚按朱子既辨此詩無析田之意又以豐年之序所謂秋冬報者為誤矣而又謂此

詩之用當與豐字不殊蓋據此篇第七節而言也然則此詩所謂為酒醴畀相妣其亦秋成之

際薦新于宗廟而歌之也歟

序春籍田而祈社稷也

朱子辨說見下篇序

芟芟

楚側反

良耜

叶養里反

俶載

尺叔反

南畝

叶蒲委反

賦也芟芟嚴利也

孔氏曰是刀利之狀愚按第一節言始畊也

播厥百穀實玉斯活

叶呼
酷反

說見前篇

愚按第二節
言苗生也

或來瞻女

音汝

載筐及筥其饌

式亮反

伊黍

或來瞻女婦子之來饁者也筐筥饌具也

李迂仲曰
此言婦子

行饁之器與所盛之物也彭氏曰其饌
伊黍無珍味也愚按第三節言餉田也

其笠伊糾

叶其
了反

其鉶

音博斯趙

直了反

以薺

呼毛反

荼蓼

糾然笠之輕舉也

毛氏曰笠所
以禦暑雨

趙刺

入聲

薺去

上聲

也荼

陸草蓼水草一物而有水陸之異也

孔氏曰田有原
有隰故並舉水

陸之今南方人猶謂蓼為辣茶或用以毒溪取魚即

草所謂茶毒也

彭氏曰此見其無華飾無怠力所以記
畊民之狀也愚按第四節言耘苗也

茶蓼朽止黍稷茂

叶莫
口反止

毒草朽則土熟而苗盛

愚按第五節
言苗盛也

穫之恹恹

珍栗
反

積之栗栗其崇如墉其比

毗志
反

如櫛

側瑟
反

以開百室

恹恹穫聲也栗栗積之密也櫛理髮器言密也百
室一族之人也五家為比五比為閭四閭為族族人

輩作相助故同時入穀也

鄭氏曰如墉如櫛言積之高大且相比近也一族同

時納穀親親也百室者出必共湫間而耕入必共族中而居也愚按第六節言收穫之多而齊也

百室盈止婦子寧止

盈滿寧安也

李迂仲曰百室既盈婦子於是寧蓋終歲勤動不得安寧今農事已畢故各享

其樂也愚按第七節言共樂豐稔也

殺時惇

如純反

牡有捄

音求

其角

叶盧谷反

以似以續續古之

人

無韻未詳

黃牛黑唇曰惇捄曲貌續謂續先祖以祭祀

蘇氏曰以似以

續興來歲繼往歲也續古之人庶幾不替其先也愚按篇末言田事畢而以祭祀也其曰續古之人亦上篇振古如茲之意

良耜一章二十三句

或疑思文臣工噫嘻豐年載芟良耜等篇即所謂豳頌者其詳見於豳風及大田篇之末亦未

知其是否也

蘇氏曰聖人之為詩道其耕耨種之勤而述其終歲倉廩豐實婦

子喜樂之際以感動其意夫詩之可以興者所以感發人之善志也先言勤勞後言逸樂使勤者可以自忘其勞而怠者亦知以自奮也

序秋報社稷也

兩篇未見其有祈報之異

胡庭芳曰此二詩誠不見其祈報之

異不過閔其耕種之勞叙其饋餉之情論其
黍稷茂盛收穫之福或為酒醴以祀祖妣而
為邦家胡考之光寧或百室盈婦子寧殺瘳
牲以嗣以續此皆田家勤勞安逸之事而非
告神之樂歌也豈與七月楚茨信南山甫田
大田等詩同一歌詠其事以寓其鼓舞神化
之道而堅其樂事赴功之心也邪若拘拘於
祈服則感發之意微矣愚按此與載芣詞意
相類但無載芣第一
第二第八節之意耳

絲衣其紵

孚浮反

載弁俅俅

音求

自堂徂基自羊徂牛

代乃

反鼎及鼐叶津之反兕觥其觥音求旨酒思柔不吳音話不教音傲

胡考之休

賦也絲衣祭服也紃潔貌載戴也弁爵弁也士祭於

王之服孔氏曰爵弁之服玄衣纁裳皆絲為之故曰絲衣雜記云士弁而祭於公冠而祭於己爵

弁其色赤而微黑如爵頭然曹氏曰餘皆用布惟冕與爵弁服用絲大夫以上祭服謂之冕士祭服謂之

弁其首服弁則不用絲故俅俅恭順貌孔氏曰人貌恭順基

門塾之基愚按門側之堂謂之塾蓋門之內外夾其東西皆有塾一門凡四塾外兩塾南向內

兩塾北嚮謂之堂則宜有基此詩所指則內塾之基也鼐大鼎鼐小鼎也思語

辭柔和也吳譁也

李迂仲曰大聲也

此亦祭而飲酒之詩

言此服絲衣爵弁之人升門堂視壺濯籩豆之屬降往於基告濯具又視牲從羊至牛反告充已乃舉鼎冪告潔禮之次也又能謹其威儀不誼譁不怠教故

能得壽之福

愚按儀禮士之祭前祭一日夕時主人及賓皆入分立堂下東西宗人升自西

階視壺濯於堂上東序視豆籩銅於房東視几席及教於西廂反降而告祭器之灌漑几席之備具於是賓主皆出即位于門東西鼎在門外北西北上牲在鼎西南北首東足東上宗人往視牲反位告其充肥遂舉冪告鼎之潔其禮皆若此詩之次也孔氏曰堂基但言所往之處牛羊但言所視之物互相足也嚴

氏曰告濯具省器也告充省牲也告潔省饌也王介甫曰自羊祖牛先小後大也鬯鼎及鼐先大後小也先後反覆展視所以致勤敬也李迂仲曰上五句未祭之先整潔戒敕如此下四句既祭之後敬謹如此則祭時謹敬可知矣輔氏曰第一二句言其衣冠潔而整肅也三四五句言其行禮順習而有序也六七句言其酒器如式而酒味和旨也八九句言其威儀敬靜而謹飭也如是則宜乎得壽考之福矣玩此一詩真可畫也

絲衣一章九句

此詩或紅俅牛觶柔休並叶基韻或基轟並叶

紅韻

序繹賓尸也高子曰靈星之尸也

序誤高子尤誤

蘇氏曰繹衣本宗廟之詩其曰靈星失矣

於

音鳥

式灼反

王師遵養時晦時純熙矣是用大介我龍

受之蹻蹻

居未反

王之造

叶但候反

載用有嗣

叶音利

實維爾公

允師

賦也於數辭鑠威遵循熙光介甲也所謂一戎衣也
龍寵也蹻蹻武貌造為載則公事允信也此亦頌
武王之詩言其初有於鑠之師而不用退自循養與

時皆晦既純光矣然後一戎衣而天下大定後人於

是寵而受此蹻蹻然王者之功

歐陽子曰成王寵受之者蹻蹻然武功武

王之所為也

其所以嗣之者亦維武王之事是師爾

補氏曰此

詩頌武王之武功言其初雖有甚盛之師而退自循養與時俱晦不見其有跡直至時節到來既純光矣然後一著戎衣而天下翕然大定此其所以為武王之武也後王於是寵而受此蹻蹻然之武功其所以嗣之者亦惟武王之事是師可也不先時而動不後時而靡君之用武也能如是是亦武王也已

酌一章八句

酌即勺也內則十三舞勺即以此詩為節而舞

也

何氏曰勺篇也舞篇文舞也孔氏云篇舞不用兵器以其尚幼故習小舞也賈氏云詩為

樂章與舞人為節故以詩為舞也儀禮燕禮曰若舞則勺注曰勺頌篇也萬舞而奏之所以勸

有功

然此詩與賡般皆不用詩中字名篇

蘇氏曰方

其不可而遵養時晦見其可而後為之此所以為酌也嚴氏曰初則遵養繼則躋躋酌其時措之宜

疑取樂節之名如曰武宿夜云爾

禮記曰舞莫重

於武宿夜注云武曲名正義云武王至商郊停止宿夜士卒皆歡樂歌舞以待旦故名焉

序告成大武也言能酌先祖之道以養天下也

詩中無酌字未見酌先祖之道以養天下之

意

嚴氏曰詩中言遵養非謂養天下也

綏萬邦婁

力注反

豐年天命匪解

佳賣反

桓桓武王保有厥

士于以四方克定厥家於音鳥昭于天皇以間之

賦也綏安也桓桓武貌大軍之後必有凶年而武王

克商則除害以安天下故屢獲豐年之祥傳所謂周

饑克殷而年豐是也

王介甫曰師之所處荆棘生焉桓武志也而曰屢豐年則其為

武志也異乎人之武志矣李迂仲曰武王用兵為天下除害故能召和氣也左傳僖公十九年衛大旱寧

莊子曰昔周饑克殷而年豐

然天命之於周久而不厭也故此桓

桓之武王保有其士而用之於四方

曹氏曰今年豐婁應則天之春

佐有周固匪解矣然武王之所以致此者由得士以為之用也

以定其家其德上昭

于天也間字之義未詳傳曰間代也言君天下以代

商也

嚴氏曰多方云有邦間之

此亦頌武王之功

輔氏曰綏萬邦者武王之志

也屢豐年者上天之嘉應也有是志則有是應先天而天弗違也天命匪解者天命之無厭也桓桓武王者武王之無怠也天命武王不間毫髮保有厥士于以四方克定厥家此武王之武所成就也是以其德上昭于天而君天下以代乎商也

桓一章九句

春秋傳以此為大武之六章則今之篇次蓋已

失其舊矣又篇內已有武王之謚則其謂武王

時作者亦誤也

嚴氏曰解頤新語云武王有其事成王制作於是作詩歌其事

以告于武王耳

序以為講武類禡之詩宣後世取其義

而用之於其事也歟

序講武類禡也桓武志也

嚴氏曰解頤新語云講武而類乎上帝禡

於所征之地皆師祭也謂之武志蓋發明武王將出征而講武類禡也孔氏曰作講武類禡之

樂歌也禡祭造軍法者其神蚩尤或曰黃帝禡周禮作路又或作類古今異也

文王既勤止我應受之敷時繹思我祖維求定時周

之命於音繹思

賦也應當也敷布時是也繹尋繹也於嘆辭繹思尋

繹而思念也此頌文武之功而言其大封功臣之

意也言文王之勤勞天下至矣其子孫受而有之然

而不敢專也布此文王功德之在人而可繹思者以

賚有功而往求天下之安定

王介甫曰大賚善人封建以為諸侯與共天下

則所以求天下之定也

又以為凡此皆周之命而非復商之舊

矣遂嘆美之欲諸臣受封賞者繹思文王之德而不

忘也

輔氏曰武王之封賞功臣人見其為武王之恩也自武王之心言之乃是文王功德之在人心

而可思繹者耳非己之恩也以是而往求天下之安定則庶乎其可矣然則受其封賞者又可以不思繹文王之德哉時周之命集傳以為凡此皆周之命而非復商之舊者是矣此又提起來說以興起人心也大封功臣于廟而歌此詩其言不止於此而都不及車服錫予之物蓋以是為重而不以物為重也

賚一章六句

春秋傳以此為大武之二章而序以為大封於

廟之詩說同上篇

愚按大武作於武王崩後此頌為武樂第三章故詩中皆

述武王封賞之意而推本文王之德朱傳所謂
頌文王之功亦若大武首章兼頌文武之德也歟

序大封於廟也賚予與也言所以錫予善人也

孔氏曰左傳云武王封兄弟之國十五人姬姓
之國四十人武成說武王列爵惟五分土惟三
樂記言將帥之士使為諸侯此皆武王大封之
事李迂仲曰封必於廟蓋歸功于祖宗不敢專
也黃寶夫曰善人云者見上不妄予下
不妄受孔子曰周有大賚善人是富

於音烏

皇時周陟其高山墮

吐果反

山喬嶽允猶翕

許反

河敷天之下裒

蒲侯反

時之對時周之命

賦也高山泛言山耳墮則其狹而長者喬高也嶽則

其高而大者允猶未詳或曰允信也猶與由同翕河
河善泛濫今得其性故翕而不暴也對答也言美哉
此周也其巡守而登此山以柴望又道於河以周四
嶽凡以敷天之下莫不有望於我故聚而朝之方嶽
之下以答其意耳

黃寶夫曰得天下必告于名山大川禮也舜受天下于堯猶必望於

山川編于羣臣受命之始不得不然也而況武王革
命之主乎故此詩首末皆言是周之受命也愚按上
四句言巡守而祭告河岳之事也下
三句言巡守而朝會諸侯之事也

般盤一章七句

般義未詳

曹氏曰說文云般旋也象舟之旋從舟從父父所以旋也今名篇曰般取

般旋之義巡狩而遍乎四岳河海所謂般旋也嚴氏曰般遊也蘇氏曰朱傳以桓資皆大武篇

中之一章又以酌賚般名篇取樂節之名如曰武宿夜云耳然則酌與賚般一體亦大武篇中

章數

序巡守而祀四嶽河海也

濮氏曰如序所云宜與邁相似亦

告祭之樂歌也

此二篇說見本篇

閔予小子之什十一篇一百三十六句

詩傳通釋卷十九